



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXXIV. Gregorii Papae I. Ad Petrvm Episcopvm Taracinensem. De
Iudaeis non persequendis.

urn:nbn:de:hbz:466:1-15221

2. Cor. 6.

bi increpationis & admonitionis administrat. Tantum est
 vt pensare solícite debeas quod Paulus ait: *Exhortamur*
vos, fratres, ne in vacuum gratiam Dei recipiatis: ait enim: Tem-
pore accepto exaudiuite, & in die salutis adiui te. Ecce nunc tem-
pus acceptabile: ecce nunc dies salutis. Sed scio quia cum epi-
 stola mea suscipitur, protinus amici conueniunt, literati
 clientes vocantur, & de causâ vitæ consilium a fautoribus
 mortis quæritur: qui dum non te sed res tuas diligunt,
 nulla tibi, nisi quæ ad tempus placeant, loquuntur.
 Tales enim fuerunt, sicut ipse reminisceris, dudum con-
 siliarii, qui ad tanti facinus te perduxerunt delicti. Vt ibi
 aliquid sæcularis auctoris loquar: Cum amicis omnia tra-
 ctanda sunt, sed prius de ipsis. Si vero in causâ tua homi-
 nem consiliarium quæris, consiliarium rogo me suscipe.
 Nullus tibi fidelior esse ad consilium potest, quam qui non
 tua, sed te diligit. Omnipotens Deus cordi tuo indicet cor
 meum, quanto te amore quantaque caritate complecti-
 tur; in quantum tamen diuina gratia non offendatur.
 Nam sic culpam tuam insequor, vt personam diligam. Sic
 personam diligo, vt culpæ vitium non amplectar. Si igi-
 tur a me amari te credis, apostolorum liminibus præsentare,
 meque consiliario vtere. Si autem fortasse in causâ Dei
 minus credor, & pro zeli mei ardore suspectus sum, cun-
 ctam simul ecclesiam in consilio huius disceptationis adhi-
 beo, & quidquid omnibus fieri salubriter placet, ego in
 nullo contradico, sed quod in commune decernitur, læ-
 tus implebo, & subscribam. Implentem quæ monui, gra-
 tia te diuina custodiat.

EPISTOLA XXXIV.

GREGORII PAPÆ I.

AD PETRVM EPISCOPVM TARACINENSEM.

De Iudæis non persequendis.

*Gregorius Petro episcopo Taracinensi.*Iuo p. 1. c.
2. 85. & p. 13.
cap. 101.

IOSEPH, præsentium lator, Iudæus nobis insinuauit, quod
 de loco quodam in quo ad celebrandas festiuitates suas
 Iudæi in Taracinensi castro consistentes conuenire con-
 sueuerant, tua eos fraternitas expulerit, & in alium locum
 pro colendis similiter festiuitatibus suis, te quoque no-

sciente & consentiente, migrauerint, & nunc de eodem loco expulsos se denuo conqueruntur. Sed si ita est, volumus ut tua fraternitas ab huiusmodi se querela suspendat, & ad locum, quem sicut prædiximus, cum tua conscientia, quo congregentur adepti sunt, eis, sicut mos fuit, ibidem liceat conuenire. Eos enim qui a religione Christiana discordant, mansuetudine, benignitate, admonendo, suadendo, ad unitatem fidei necesse est congregare: ne quos dulcedo prædicationis, & prætenfus futuri iudicis terror ad credendum inuitare poterat, minis & terroribus repellantur. Oportet ergo magis ut ad audiendum de vobis verbum Dei benigne conueniant, quam austeritatem, quæ supra modum extenditur, expauescant.

EPISTOLA XXXV.

GREGORII PAPÆ I.

AD IOANNEM EPISCOPVM RAVENNATEM.

De controuersia Maurilionis & Georgii.

Gregorius Ioanni episcopo Rauennati.

Si professionem ordinis nostri & locum, cuius ministerium gerimus, attendamus, oportet nos afflictis, in quantum possumus, comitante iustitia subuenire. Quoniam ergo gloriosum virum Maurilionem expræfecto in septis ecclesiasticis infonem residere cognouimus, vestra fraternitas, in quantum possibilitas subest, opem ferre festinet. Non quia, quod absit, de viri excellentissimi domini Georgii præfecti iustitia dubitamus, aut in aliquo putamus eum a rationis tramite declinare, virum quem in huius tantæ dignitatis administratione, sicut nostis, in bonis omnibus habemus expertum; sed quo & gloriosus vir Maurilio expræfecto rationes suas absque suspitione oppressionis exponat, & prædictus excellentissimus vir dominus Georgius præfectus rationes sine laceratione suæ opinionis exequatur.